


مجموعہ سنون

۱۸

جمعیت علمائے عثمانیہ



برنجی پتہ

ماہ محرم

نومبر ۱

اسٹانبول

جریدہ خانہ دہ طبع اولیٰ منشدر

۱۲۷۹

تطویل مقالین صرف نظر اوله رق شعیبک بو قدرله اکتفا مناسب
کورغمشدر. همان جناب حق جهله مزی علوم نافعه و اعمال صالحه یه
موفق بیورسون آمین * بهنر کوش زانکه در عالم شرف انراست
کوهنزدارد * کربتو نعمتی از و نرسد * نام جهل آخر از تور دارد.

(منیف)

رئیس ثانی مجلس تجارت

ملل سالقیدن نهایت قدمای مصرینک اخباری مضبوط صحایف
آثار اولوب اندن اونه سی ظلام ریب و ظنونه مستور بولندیغندن اکثریا
اوروپا مؤرخلری تواریح عمومیه لرینی اورادن بدأ ایدرلر. بزم دخی علوم
سأره صر سنده مجموعه فنونه درج ایده حکمر مواد تاریخیده اشبو
ترتیب طبیعی یه رعایت ایلک لازم کیکله ملت مذکوره دن بدأ ایله
تاریخ متقدمین تحریرینه ابتدار قلمشدر.

(قدمای ملوک مصریه تاریخی)

دنیاک قطعات خسه سندن افریقا قطعده سی اونه دنبرو و آثار
مدنیتدن محروم بولندیغی حالده مصر واسکی زمانده قارتاز تسمیه
اولنان تونس و طرابلس غرب مملکتلری مسننا اوله رق بونلرک اهابسی
ازمنه قدیمده معاصرلری بولنان دیگر ملتک جهله سندن زیاده متمدن
اولوب. باخصوص مصرک او قدر وسعتی دخی یوغیکن پک چوق مداین
و نفوسی حاوی اوله رق زیاده سیله معمور ایدی. الکی مذکور شرقاً
شاب دکری دینلان بحر احمر و شمالاً اق دکز و غربالپی تسمیه اولنان

صحرای کبیر و جنوباً بلاد سودان ایله محدود در . اهل بسنک سبب
حیاتی دینکه شایان اولان نیل نهری جنوب دن شماله طوغری ایکوز
ساعتک مسافده جریان ایدر .

قدمای مصرین اصول اداره مملکتک نتیجه سی عامه نک حصول
امن و آسایش حالری قضیه سندن عبارت اولدیغنی جمله دن اول فهم
ایتدکارندن امر حکومتی ممکن مرتبه درجه کماله ایصال ایتشلر ایدی .
زمام حکومت وراثت طریقله ملوکاری خاندانی یدنده اولوب جالس
مسند حکمرانی اولان ذوات دخی هوا و هوسارینه تبعیت ایتدک
افعال و حرکاتلرینی قوانین موضوعه یه توفیق ایتکه مجبور ایدیلر .
و بونلر خدمتلرنده اسرا و اجانب استخدام ایده میدک بو امتیاز
یالکز ملت اصلزادکانندن اصحاب حیثیت و معلوماته مخصوص ایدی .
و هر بر شی اصول و نظام تحننده اولوب حتی ملوکک اطعمه
و اشربه لرینک جنس و مقداری محدود اولدیغنی مثلاً کوندزلی نه
مقوله امور ایله اشتغال ایتلری دخی معین اولوب شویله که حکمدار اولان
ذات هر کون کوشش طلوعندن بدأ ایله مصالحه متعلق اوراق
معروضه یی قرائت و اوزرلینه ایجاب ایدن رأینی تحریر و اشارت
ایتدکدنصرکه و کلا و سرایی خلقیله برابر اجسرای آیین دین ایتک
اوزره عبادتگاهه کیدر ایدی . اورادن عودتنده دیانت و اخلاقه و اداره
مملکتک متعلق نکا بلر مطالعه و وکلاسیله احوال حاضر یه دائر
مذاکره ایدر و بونی متعاقب حکومت مصر یه نک مشتمل اولدیغنی
اوتوز جسیم شهر دن مبعوث اوتوز حاکدن مرکب بر محکمه ده دخی
ریاستله اجرای عدل و داد ایلر ایدی . و مجلسه ختام ویرلدکدنصرکه
اخشامه قدر خالی قلان وقتده دخی تعلیمات عسکر یه ایله اشتغال
ایدر

ایدرایدی و حکمدارانك اقدم وظائفی احقاق حق رعیت و اخلال
آسایش سکنهیه متجاسر اولنلرك دفع مضرتیه اجرای احکام قوانینه
تقید و دقت ایتك قضیه لرندن عبارت اولدیغندن حین وفاتلرنده
جنازه لری بر میدانہ وضع و اطرافہ عموم اہالی جمع اولوب زمان
حکومتمندہ وقوعبولان کافہ افعال و حرکاتی یکان یکان یاد و تذکار
و عادتا بر محکمہ حضورندہ محاکمہ سی اجرا اولنورکی بین الحضار
خیلی مذاکرات و مباحثات جریانندن صکرہ ملک و ملت حقندہ
خیرلو صورتمندہ حسن اداره یه موفق اولدیغی تحقق ایتدیکی حالده
جنازه تحنیط اولنلررق یعنی بعض بہارات واسطہ سبلہ چوق زمانلر
چورومبہ جك بر حالہ قویله رق غایت مکلف بر مزارہ دفن اولنلرق
و بالعکس ظلم و تسبیب و شہوات نفسانیہ سنہ تبعیتله سوؤ اداره سی
تیین ایلدیکی صورتمندہ طعمہ و حوش و طبور اولق اوزرہ بیابانہ القا
قلنلق قوانین موضوعه اقتضاسندن ایدی . قوانینك تمامی اجراسی
عموم ناس عندندہ اساس تربیہ دن معدود اولمسیله صغیر و کبیر
اخلالندن وقایہ سنہ تقید و اعتنا ایدوب تبدیل و تعدیلی امور مشکلمندن
ایدی . قتل نفس و خلاف یرہ یمین ایتککہ جرأت ایدنلر و مقتدر
اولدیغی حالده تهلکده بولنان بر کسده یی خلاص ایتمانلر قتل جزاسنہ
کرفتار و مقتری اثبات مدعا ایدہ مدیکی تقدیرده عزو ایتدیکی جرم
جزاسنہ دوچار اولور ایدی . افراد اہالی یه بوش کزنمک ممنوع
اولدیغندن کیفیت و احوال لری حکومتك معلومی اولق ایچون هرکس
اسم و شهرت و محل اقامت و صنعت و صورت تعیش لرینی حکومت
مخلیہ ده دفتر مخصوصنہ قید ایتدیرمککہ مجبور اولوب بو بایده ارتکاب
کذب و خلاف ایدن اولور ایسه قتل ایله مجازات قننور ایدی .

و اصول مر عبدلینک بریسی دخی اولاد پدرلی وفات اینده کده
 جنازه سنی تحنیط ایله حفظ ایلدن کرندن اکثریا منشأ سفاقت اولان
 استقراضک معنه مدار اولق اوزره بورجلو مبلغ دین مقابلنده پدرینک
 اولوجمهله نژنده محفوظ اولان جسدینی رهسن طریقله داینه ویروب
 از مدت ظرفنده ایفای دین ایله استرداد ایلماسی دخی بیوک قباحت
 عد اولندیغی جهتهله مدیون بو ائنده وفات ایلر ایسه جنازه سی بیابانه
 اتیلور ایدی . و افراد ناسجه تعدد نسا جائز ایسه ده بت پرستلکدن
 عبارت اولان دینلرینک رهبان طاقسی بو مأذونیتدن محروم اوله رق
 یالکن برزوجه ایله اکتفا ایتمک مجبور ایدیلر . اول عصرده کافه مللاک
 مستغرق اولدقلری حال جهل و نادانی یه نسبتله مصرلور اصول
 مدینتدن زیاده سبله بهره دار ایکسن بر آدم قرقرنداشنی تأهل ایلمک
 عندلنده قانوناً و دیانه جائز و بلکه مستحب ایدی . اصول آداب
 و انسانیت و حقوق نان و نعمته کمال درجه دقت و رعایت ایله مثلاً
 کنجلر مسن ادملر حضورنده قیام و هر یرده انلری کندولرینه تقدیم
 ایلمک کبی حققرنده حرمت ایدرلر ایدی و شهوات نفسانیده زیاده میل
 و رغبت اولتمدیغندن بر جمعیت و ضیافت وقوعنده فکر مماتی خاطرندن
 چیقارماق اوزره سفره اوزنه سند بر انسان قفاسی وضع اولمق دخی
 اصول مر عبدلرندن ایدی . (بقیده سی صکره)

(خلیل) (محمدجیل)

سفیر پترسبورغ سفیر پارس